



Broj, 01-50-2-60-1/2024
Sarajevo, 04.01.2024. godine

Na osnovu člana 11. stav (5) Zakona o Visokom sudskom i tužilačkom vijeću Bosne i Hercegovine („Službeni glasnik BiH“ br. 25/04, 93/05, 15/08, 48/07 i 63/23) i člana 13. stav (1) tačka j) Poslovnika Visokog sudskog i tužilačkog vijeća Bosne i Hercegovine („Službeni glasnik BiH“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22 i 26/23) kao i člana 17. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), a u vezi sa Pravilnikom o unutrašnjoj organizaciji i sistematizaciji radnih mjesta u Visokom sudskom i tužilačkom vijeću Bosne i Hercegovine (br.: 14-02-2-2022-1/2020 od 29.07.2020. godine i 14-02-2-3873-1/2023 od 08.11.2023. godine), predsjednik Visokog sudskog i tužilačkog vijeća Bosne i Hercegovine donosi

ODLUKU

o imenovanju službenice za informisanje

I Imenuje se Edisa Šikalo, koja je zaposlena na radnom mjestu službenica za odnose sa javnošću i protokol u Kabinetu Predsjedništva Visokog sudskog i tužilačkog vijeća Bosne i Hercegovine, za službenicu za informisanje Visokog sudskog i tužilačkog vijeća Bosne i Hercegovine.

II Kontakt-adresa službenice za informisanje glasi: Edisa Šikalo, službenica za informisanje Visokog sudskog i tužilačkog vijeća Bosne i Hercegovine, Kraljice Jelene 88, 71000 Sarajevo, Bosna i Hercegovina, e-mail: edisa.sikalo@pravosudje.ba i/ili vstvbih@pravosudje.ba.

III Službenica za informisanje obrađuje zahtjeve za pristup informacijama koje su pod kontrolom Visokog sudskog i tužilačkog vijeća Bosne i Hercegovine i priprema nacрте prvostepenih rješenja te je u svom radu obavezna postupati u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23) i Pravilnikom o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine (br. 08-02-3075/2010 od 02.09.2010. godine, 08-02-3645/2013 od 24.09.2013. godine, 08-02-388-1/2014 od 22.01.2014. godine i 08-07-2-3459/2021 od 29.09.2021. godine), kao i ostalim relevantnim propisima.

IV Podaci iz tačke I i II ove odluke će se u roku od osam dana od dana imenovanja objaviti na internetskoj stranici Visokog sudskog i tužilačkog vijeća Bosne i Hercegovine te dostaviti Instituciji Ombudsmena za ljudska prava Bosne i Hercegovine i Žalbenom vijeću.

V Ova odluka stupa na snagu danom donošenja.


Obrazloženje

Zakon o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23; u daljem u tekstu: Zakon) u članu 17. propisuje obavezu svih institucija Bosne i Hercegovine, pa tako i Visokog sudskog i tužilačkog vijeća Bosne i Hercegovine da, radi osiguranja pristupa informacijama, imenuje službenika za informisanje u roku od šest mjeseci od dana stupanja na snagu ovog Zakona, čiji se službeni podaci s kontakt-adresom dostavljaju Instituciji ombudsmena za ljudska prava Bosne i Hercegovine i Žalbenom vijeću te objavljuju na internetskoj stranici institucije BiH, u roku od osam dana od dana imenovanja.

S tim u vezi, predsjednik Visokog sudskog i tužilačkog vijeća Bosne i Hercegovine je donio odluku kao u izreci ovog rješenja.

Prilikom donošenja ove odluke predsjednik je posebno cijenio činjenicu da imenovana od 2012. godine uspješno obavlja poslove službenice za informisanje javnosti Visokog sudskog i tužilačkog vijeća Bosne i Hercegovine, kao i da je funkcija za koju se imenuje ovom odlukom u skladu sa Pravilnikom o unutrašnjoj organizaciji i sistematizaciji radnih mjesta Visokog sudskog i tužilačkog vijeća Bosne i Hercegovine (br. 14-02-2-2022-1/2020 od 29.07.2020. godine i 14-02-2-3873-1/2023 od 08.11.2023. godine), odnosno da joj je u opisu radnog mjesta, između ostalog navedeno da: „Vrši obradu zahtjeva i izradu nacrtu rješenja za pristup informacijama u saradnji sa Odjelom za pravna pitanja Sekretarijata VSTV-a, u skladu sa Zakonom o slobodi pristupa informacijama BiH“, kao i da je svrha njenog radnog mjesta proaktivna komunikacija s javnošću i medijima s ciljem informisanja o aktualnim i važnim događajima, te boljeg razumijevanja mandata i aktivnosti VSTV-a BiH u cilju održavanja i unapređenja profesionalnosti i efikasnosti u osiguranju nezavisnog, nepristranog i profesionalnog pravosuđa u BiH.

U vezi sa svim gore navedenim, odlučeno je kao u izreci ove odluke.



Dostavljeno:

1. Imenovanoj
2. Žalbenom vijeću
3. Instituciji ombudsmena za ljudska prava u BiH
4. U spis